

浙江府縣志輯

中國地方志集成

民國杭州府志(二)

中國地方志集成

浙江府縣志輯③

民國杭州府志(三)

江蘇古籍出版社 ● 上海書店 ● 巴蜀書社

中國地方志集成
浙江府縣志輯③

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 三二六元

責任編輯 盧建幸
王海浩

封面設計 范一辛

1993年6月第1版 1993年6月第1次印刷
ISBN7-80569-814-7/K·109
沪新登字119号

杭州府志卷一百十八

名宦三

元

孟古岱蒙古塔塔爾氏原作忙兀台 蒙古達達兒氏至元二十一年拜江浙行

省平章政事二十二年拜行省左丞相鎮江浙時浙西大饑弛河

泊禁發府庫官貨低其直買粟以振又言省治在杭州其兩淮江

東財賦軍實既南輸至杭復自杭北輸京城往復勞頓不便請移

省治揚州帝從其言後為丞相兼樞密院事出鎮江西卒元史本傳

喀喇托克托原作康里脫脫仁宗即位拜江浙行省左丞相下車進父老

問利病咸謂杭城故有便河通江潯堙廢已久若疏鑿以通舟楫

杭州府志卷一百十八名宦三

物價必平僚佐或難之托克托曰民以為便行之可也不一月而

成遷江西行省左丞相杭民為建生祠元史本傳

托歡原作脫歡由太子賓客拜御史中丞進御史大夫行臺江南尋拜

平章行省江浙進左丞相兼領行宣政院為政不尚苛暴得衆心

致和元年卒官年二十七元史哈斯爾伯

伯勒齊爾布哈原作別兒怯不花字大用揚珠濟達氏原作燕只吉台氏至順中

為江浙行省參知政事江浙歲漕米由海道達京師伯勒齊爾布

哈董其事至正二年拜江浙行省左丞相行至淮東聞杭城大火

疾馳赴鎮即下令錄被災者二萬三千餘戶給鈔一錠人給月

米二斗幼穉給其半又請日減酒課為錢千二百五十緡織坊減

原額之半軍器漆器權停一年泛稅皆停事聞朝廷從之又大作

省治民居附其旁者增直買其基募民就役則厚其傭直又請歲

減江浙福建鹽課十三萬引或遇淫雨亢旱輒出禱神祠無不應

在鎮一年雖兒童婦女莫不感其恩四年拜中書左丞相元史本傳

多爾濟原作桑兒只托克托子至正四年遷江浙行省左丞相時杭城

洚經災燬伯勒齊爾布哈先為相務寬紓多爾濟繼之咸仍其舊

汀洲寇發遣將招捕威信所及數月即平民心翕然居二年杭之

耆老請建生祠如前丞相故事多爾濟辭曰昔者我父平章官浙

省我實生於此宜爾父老有愛於我我於爾杭人得無情乎然今

天下承平我叨居相位於此惟知謹守法度不辱先人足矣何用

杭州府志卷一百十八名宦三

虛名為七年召拜御史大夫歷左右丞相元史本傳

史弼字君佐一名塔爾爾原作塔刺渾博野人至元十年從丞相巴延

伯額原作伯額南征進定遠大將軍十九年改浙西宣慰使二十一年春霖

雨米價踴貴弼即發米十萬石平價糶之而後聞於省省臣欲增

其價弼曰吾不可失信甯輟吾俸以足之省不能奪益出十萬石

民得不饑改淮東宣慰使元史本傳

高興字功起蔡州人至元十二年巴延伐宋承制授興千戶由間

道奪獨松關進至武康十三年春宋降巴延北還留興以兵取郡

縣之未下者十六年遷浙東道宣慰使十九年改浙西道二十三

年拜江淮行中書省參知政事大德三年由福建行省平章政事

改江浙行省平章政事元史

諤勒哲圖原作完者都亦作完者拔都即元史一人兩傳者

欽察人至元二十二年八月

拜驃騎上將軍江浙行省左丞兼管軍萬戶浙西私鹽吏莫能禁

諤勒哲圖躬詣松江上海收鹽徒五千隸軍籍九月授中書左丞

行浙西道宣慰使成宗即位授江浙行省平章政事大德二年卒

諤武宣元本史傳

托克托原作脫成宗時拜上都留守三年拜江浙行中書省平章政

事始至嚴飭左右毋預公家事且戒其掾屬曰僕從有私囑者慎

勿聽若軍民諸事有關利害者則言之當言不言爾之責也言而

不聽我之咎也聞者悚慄時朱清張瑄以海運致位參知政事多

杭州府志 卷一百十八 名宦三

行不法以黃金五十兩珠三囊賂托克托求蔽其罪托克托繫之

有司遣使奏聞帝曰托克托我家老臣子孫其志固宜與衆人殊

賜內府黃金五十兩寵賚之有豪民白晝殺人托克托命有司按

法誅之自是豪猾屏息民賴以安大德十一年卒於位元史本傳

徹爾原作徹里揚珠濟達氏大德元年拜江南行臺御史改江浙行省

平章政事江浙稅糧甲天下平江嘉興湖州三郡當江浙什六七

而其地極下水鍾爲震澤震澤之注由吳淞江入海歲久江淤塞

豪民利之封土爲田水道愈塞由是浸淫泛溢敗諸郡禾稼朝廷

命行省疏導之發卒數萬人徹爾董其役凡四閱月畢工九年召

入爲中書平章政事元史本傳

巴延特穆爾原作卜魯鐵木兒字珍卿唐古鄂摩克原作唐兀吾密氏天歷間拜

江浙行省平章政事持身廉介人不敢干以私性至孝嘗乘花馬

時稱爲花馬兒平章云元史本傳

徹爾特穆爾原作徹里鐵木兒阿魯威原作魯溫氏至順中遷江浙行省平

章政事以嚴厲爲政部內肅然尋召拜御史中丞元史本傳

庫庫原作庫里字子山哈喇氏原作康里幼肄業國學博通羣書其正心修

身之要得諸許衡至正四年拜江浙行省平章政事雅愛儒士甚

於飢渴士大夫翕然宗之元史本傳

慶通原作慶童字明德喀喇氏至正十年遷平章行省江浙明年盜起

汝穎蔓延江浙所在不守分遣僚佐往督師旅以次克復省治燬

杭州府志 卷一百十八 名宦三

於兵則拓其故址俾之一新募貧民爲工役償之以錢杭民賴以

存活十四年托克托統大兵南征一切軍資衣甲器械穀粟薪橐

之屬咸取具於江浙慶通規措有方陸運川輸千里相屬十六年

義兵元帥芳嘉努原作力家奴屯杭城北關劫掠財貨白晝殺人慶通

言於丞相斬芳嘉努以徇民大悅明年出鎮海甯州距杭百里地

瀕海饒瘠民甚貧居二年盜息民阜在江浙七年涉歷險艱勞績

優著元史本傳

伊魯特穆爾原作月魯鐵木兒至正十二年拜平章政事行省江浙至鎮

引僚屬集父老詢守備之方招募民兵數千人號令明肅統師次

建德獲首賊何福斬於市七月次徽州以疾卒於軍元史本傳

黃士選字舜卿以中書左丞與平章政事徹爾往鎮浙西至部察病民事民大悅浙多湖泊廣蓄泄以備水旱率為豪民占以種藝水無所居積故數有水旱士選與徹爾力開復之累遷江浙行省

右丞

元史董文炳傳

吳元珪字君璋廣平人大德六年拜江浙行省參知政事初朱清張瑄以財雄江南徧以金幣連結當路而江浙省臣為尤甚唯元珪一無所汙皇慶元年拜江浙行省左丞江淮漕臣言江南殷富蓋由多置腴田若再行檢覆之法當益田畝累萬計元珪曰江南之平幾四十年戶有定籍田有定畝一有動搖其害不細執其論固爭月餘不能止移疾去卒封趙國公諡忠簡

元史本傳

杭州府志

卷一百十八

名宦三

五

張思明字士瞻輝州人大德十年除江浙行中書省左右司郎中十一年春兩浙大饑首贊發廩振之至大三年遷兩浙鹽運使未上皇慶元年再授歲課充贏僚屬請上增數思明曰贏縮不常萬一以增為額是我希一己之榮遺百世之害天歷元年為江浙行中書省左丞會陝西大饑中書撥江浙鹽運司歲課十萬錠振之吏白周歲所入已輸京師當回咨中書思明曰陝西飢民猶耐在涸轍往復踰月是索之枯魚之肆也其以下年未輸者如數與之有罪吾當坐朝廷贍之二年以中書左丞召思明平生不治產不畜財收書三萬七千餘卷尤明於律卒贈清河郡公諡貞敏

元史本傳

王克敬字叔能大甯人累遷江浙行省照磨除江浙行省左右司

都事延祐中拜監察御史至治初遷左司都事時英宗厲精圖治更前政不便者克敬言兩浙煎鹽戶牢盆之役其重者九害民當免其他役從之轉兩浙鹽運司使元統初為江浙行省參知政事大旱諸民田減租惟長甯寺田不減遂移牘中書以為不可忽天變而毒疲民嶺海盜賊竊發朝廷調戍兵之在行省者往討之故事漢人不得與軍政克敬抗言行省任方面之寄亦拘法坐視邪乃調兵往捕之軍行給糧有差視事五月請老卒封梁郡公諡文肅

元史本傳

蘇天爵字伯修真定人至正七年拜江浙行省參知政事江浙財賦居天下十七事務煩劇天爵條分目別細鉅不遺九年為兩浙

杭州府志

卷一百十八

名宦二

六

都轉運使時鹽法弊甚天爵拯治有方所辦課為鈔八十萬錠及期而足十二年妖寇自淮右蔓延江東詔仍江浙行省參知政事總兵饒信所克復者一路六縣其方略之密節制之嚴雖老帥宿將不能過之卒於軍

元史本傳

樊執敬字時中鄆城人至正十年授江浙行省參知政事十二年賊犯餘杭執敬調兵出戰據史蘇友龍言於執敬曰賊且至城內空虛無備奈何執敬曰吾淬礪戈矛當殲賊以報國倘或不克有死而已何畏哉俄報賊已至執敬遽上馬帥眾而出中途與賊遇乃射死賊四人賊又逐之射死三人已而賊來方盛填咽街巷且縱火眾皆潰去賊知其無援呼執敬降執敬怒叱之曰逆賊守關

吏不謹汝得至此恨不碎汝萬段何謂降耶乃奮刀斫賊因中槍而墮從僕田額森原作馳救之亦中槍死贈翰林學士承旨追封魯國公元史忠義傳

貢師泰字泰甫宣城人至正十四年除吏部侍郎奉命和羅浙右得糧百萬石以給京師十七年八月張士誠既納降江浙行省丞

相達實特穆爾原作達識帖睦兒以便宜授師泰兩浙都轉運鹽使剔其積蠹通其利源大課以集國用資之丞相復承制除江浙行丞參

知政事二十年朝廷除戶部尚書分部閩中元史本傳

黃搏霄字孟起磁州人由國子生歷遷浙東宣慰副使所至理冤獄革弊政才譽著稱至正十一年從江浙平章嘉琿原作教化復安豐

杭州府志 卷一百十八 名宦三

七

十二年渡江至湖州德清縣而徽饒賊已陷杭州搏霄曰賊見杭州子女玉帛必縱慾不備宜急攻之遂進兵杭城賊迎敵至鹽橋搏霄麾壯士突前斬數級而諸軍相繼夾擊之凡七戰追殺至清河坊賊奔接待寺塞其門而焚之賊皆死遂復杭州已而餘杭武康德清次第以平徽饒賊復自昱嶺關寇於潛行省乃假搏霄為參和政事提兵討之即日進兵遇賊大破之追殺至於潛復其縣又復昌化縣及昱嶺關賊又犯千秋關兵大至搏霄按軍不動遣人執白旗登山望賊約曰賊以我為怯必少懈伺其有間則麾所執旗又伏兵城外皆授以火礮復約曰見旗動礮即發已而旗動礮發兵乃盡出斬首數千級遂復千秋關賊復攻獨松百丈幽嶺

三關搏霄元以兵守多溪為三關要路既又分為三軍一出獨松一出百丈一出幽嶺會搗賊巢遂乘勝復安吉七戰而克之十七年升淮南行樞密院副使後與毛貴戰死贈河南行省平章政事追封魏國公諡忠定元史本傳

台哈布哈原作泰不華字兼善居於台年十七鄉試第一明年對

策大廷賜進士及第授集賢修撰轉秘書監著作郎拜江南行臺

監察御史時御史大夫托歡原作脫歡怙勢台哈布哈劾罷之順帝即位轉江浙行省左右司郎中浙西大水害稼會入朝力言於中書

免其租擢祕書監至正十二年方國珍復叛死之追封魏國公諡忠介元史本傳

杭州府志 卷一百十八 名宦三

八

姜衡原作相或國王蘇肯徹爾原作遜源察子也至元十一年世祖命總兵

從伐宋渡江東下會丞相巴延分三道並進姜衡部署將校申明

約束吏民安堵如故十四年拜江南諸道行臺御史大夫浙東盜

起浙西宣慰使錫里伯原作昔里伯乾隆志作齊爾巴縱兵肆掠俘及平民乃遣

御史商瑄據錢塘津渡閱治之得釋者以數千計錫里伯遁還衛

奏執送還揚州治其罪元史本傳

申屠致遠字大用壽張人宋平焦友直楊居寬宣慰兩浙舉為都

事轉臨安府安撫司經歷改杭州路總管府推官宋駙馬楊鎮從

子玠節富於貲守藏吏姚溶竊其銀懼事覺誣玠節陰與宋廣益

二王通獄具致遠讞之得其情溶服辜杭人金淵者欲冒籍為儒

儒學教授彭宏不從淵誣宏作詩有異志謁書於市邏者以上致遠察其情執淵窮詰罪之屬縣械反者十七人訊之蓋因寇作以兵自衛實非反者皆得釋西僧嘉木楊喇勒智原作楊作浮圖於宋故宮欲取高宗所書九經石刻以築基致遠力拒乃止至元二十年拜江南行臺監察御史江淮行省宣使郝顯李兼恕平章孟古岱不法詔勿問仍以顯等付孟古岱鞠之繫於獄必抵以死致遠慮囚浙西知其冤狀將縱之孟古岱脅之以勢致遠不為動親脫顯等械使從軍自贖大德二年僉准西江北道肅政廉訪司事卒致遠清修苦節恥事權貴聚書萬卷名曰墨莊家無餘產元史本傳

和尙約勒伯里巴約特氏原作和尙玉耳別里伯牙西台氏至元中為江南浙西

九

杭州府志 卷一百一十八 名宦三

道提刑按察使浙西宋故都民衆事繁在職唯務鎮靜人服其知大體卒於官追封沅國公諡莊肅子齊諾原作千奴世祖以父官授之

拜武德將軍時江浙行中書省行御史臺皆治杭齊諾上言行省專控江浙在杭為宜行臺總鎮江南不宜偏在杭且兩大府並立勢逼則事窒情通則威褻蓋移行臺於要便之所後數年遂移於

江東卒封衛國公諡景憲元史本傳

張礎字可用通州人至元十四年為江南浙西道提刑按察副使佩金符宣慰使實哩原作失里貪暴礎劾黜之遂安縣民負險為亂命

礎與同知浙西道宣慰使劉宣領兵捕之宣即欲進兵礎曰江南新附守吏或失撫字宜遣人招諭以全衆命宣不可礎曰諭之不

來加誅未晚遂遣人諭之逆黨果自縛請罪礎釋之宣乃嘆服卒封清河那公諡文敏元史本傳

高源字仲淵晉州人至元中僉江南浙西道提刑按察使事劾常州路達魯噶齊馬忽奪民田及他不法事恕懼走路權臣阿哈瑪特以他事誣源既繫獄忽釋之莫知所由先是源所居鄰里多阿哈瑪特姻戚素知源事母至孝至是聞源坐非辜悉詣阿哈瑪特曰源孝子也非但我知之天必知之况媒孽之罪非實若妄殺源悖天不祥阿哈瑪特感悟得不死元史本傳

徐琰字子方東平人至元三十一年拜浙西肅政廉訪使嘗作戒

石銘曰天有明鑑國有公法爾畏爾謹以中刑罰即宋太學殿宇

杭州府志 卷一百一十八 名宦三

十

之舊改建西湖書院遷西湖之鎖澗橋北三賢堂於書院置山長一員主之元史闕復傅成化志

陸屋字仁重江陰人至元間以湖南肅政廉訪副使升浙西廉訪使所至以黜賊吏洗冤獄為己任嘗上章奏免儒役及舉行浙西助役法卒諡莊簡元史闕復傅成化志

高睿河西人資稟直亮至元中除嘉興路總管遷浙西道肅政廉

訪使鹽官州民有連結黨與持郡邑短長目曰十老吏莫敢問睿悉按以法閭境快之延祐元年卒追封甯國公諡貞簡元史高智繼傅浙江

田滋字榮甫開封人大德二年遷浙西廉訪使有縣尹張或者被

誣以賊獄成滋審之但俯首泣不語滋以爲疑明日齋沐詣城隍祠禱曰張或坐事有冤狀願神相證明其誣守廟道士進曰曩有王成等五人同持誓狀到祠焚禱火未盡而去燼中得其遺稿今藏於壁間豈其人耶視之果然明日詣憲司詰成等不服出所得火中誓狀示之皆驚愕伏辜或得釋十年拜陝西行省參政卒追封開封郡公諡莊肅元史良吏傳

張珪字公端大德三年遷浙西肅政廉訪使劾罷郡長吏以下三十餘人府吏胥徒數百徵贓巨萬計珪得監司奸利事將發之事干行省有內不自安者欲以危法中珪賂遺近臣妄言珪有厭勝事且沮鹽法帝遣官雜治之得行省大小吏及鹽官欺罔狀皆伏

杭州府志 卷一百十八 名宦三

十一

罪召拜僉樞密院後封蔡國公元史本傳

策丹原作自當蒙古人順帝初爲浙西肅政廉訪便有以駙馬爲江浙

行省丞相者其官豎恃公主勢坐杭州達魯噶齊位令有司強買民間物不從輒毆之有司求白策丹卽逮之械以令衆自是丞相府無敢爲民害者尋召爲同僉樞密院事在位剛介終始一節有

古遺直風元史本傳

趙宏偉字子英甘陵人後徙潁州大德五年僉浙西道肅政廉訪使事浙西旱蠲民租九萬餘石吏復徵宏偉核實卒蠲之全活甚

衆浙江通志

韓鏞字伯高濟南人延祐五年進士天歷元年除僉浙西廉訪司

事擊姦暴黜貪墨所至郡縣爲之肅然二年轉江浙財賦副總管元史本傳

呂思誠字仲實平定州人泰定元年進士順帝初僉廣西廉訪使事移浙西達實特穆爾原作達諱時爲南臺御史大夫與江浙省

臣有隙嫉思誠劾之思誠曰吾爲天子耳目不爲臺臣鷹犬也不聽已而聞行省平章左吉貪墨浙民多怨之思誠奏疏其罪流之

海南官至中書左丞諡忠肅元史本傳

舒蘇原作字得之大食國人國內附因家真定後至元三年除僉

浙西肅政廉訪司事卽按問都轉運鹽使海道都萬戶行宣政院等官贓罪浙右郡縣無敢爲貪墨者復以浙右諸僧寺私蔽猾民

杭州府志 卷一百十八 名宦三

十二

有所謂道人道民行童者類皆瀆常倫徭役使民力日耗乃建議請勒歸本族俾供王賦庶以少寬民力朝廷是之卽著爲令四年改僉浙東舒蘇歷官臺憲所至以理冤澤物爲己任平反大辟之獄先後甚衆然未嘗故出人罪以市私恩卒封恆山郡侯諡文

孝元史本傳

王都中字元僉福甯州人武宗時除兩浙都轉運鹽使請於行省徧歷三十四場驗其物力高下以損益之役平課足公私便之天

歷初以浙東道宣慰使都元帥被省檄整點七路軍馬境內晏然後拜江浙行省參知政事至正元年卒諡清獻元史本傳

翟霆發字聲父上海人以功授兩浙都轉運副使海潮壞鹽場死

者萬計靈發傾力救之流亡復還鹽事以集仁宗時拜運使課以

最聞

浙江通志

李廷佐字唐卿陝西人至正七年除兩浙都轉運使嚴明有才幹悉心鹽筴之事凡亭民所不便者罷之所欲者行之吏胥賸貨有蠹鹽法者悉屏斥之性無他好暇則與幕下少年講誦經史以爲

樂

成化志浙江通志

陳思濟字濟民柘城人以才器見稱至元中同知兩浙都轉運司事胥吏侵漁民困於賦役悉蠲除之二十三年加少中大夫同知浙東道宣慰司事時浙西大水民飢浙東倉廩殷實卽轉輸以振全活者衆大德五年卒追封潁川郡侯諡文肅

元史本傳

杭州府志

卷一百一十八 名宦三

十三

趙知章字伯常睢陽人兩浙轉運司同知以陸運困民請因歲饑浚河民得錢以爲食官得河以浮運稽姦貪兼戶之弊察私饒濫

及之寃

浙江通志

托歡察爾

原作脫

字彥明塞善齊氏

原作齊氏

至正二年由戶部郎

中出爲兩浙鹽運同知先具條教嚴立期約加以寬恤民感奮盡力奉令無敢後越半年不事鞭笞而鹽皆足持已廉潔不可干以

私

浙江通志

李守中字正卿東潁人延祐六年除兩浙轉運鹽司副使兩浙竈民凋弊日甚守中驗其恆產差爲上下竈民既爲國輸課不當復役里正代償民租在官五年熟知其弊工本親給與民官屬不敢

稍有所培克故事集而課亦溢比終更增鹽五萬餘引以嘉議大

夫工部尙書歸

浙江通志

戴文璧字君章琅琊人少負經濟志歷任清要以廉隅自厲除兩浙轉運判官嘗分職巡鹽官場風清弊革課足民安徐一清陸居仁並記其德政以饒諸石

成化志浙江通志

曹鑑字克明宛平人至治二年授江浙行省左右司員外郎明年奉旨括釋氏白雲宗田稽檢有方不數月而事集纖毫無擾天歷元年調江浙財賦府副總管屬淮浙大水民以舊告鑑損其賦什六七勢家因而詭免者鑑覈實諭令首輸後至元元年升禮部尙書卒諡文穆

元史本傳

杭州府志

卷一百一十八 名宦三

十四

鄧文原字善之綿州人父漳徙錢塘文原年十五通春秋至元二十七年行中書省辟爲杭州路儒學正至大三年授江浙儒學提舉皇慶間科舉制行文原校文江浙慮士守舊習大書朱子貢舉

私議揭於門延祐四年升翰林待制五年出僉江南浙西道肅政廉訪使事仕終集賢直學士兼國子祭酒經筵官贈江浙行省參

政諡文肅明洪武初祀郡學名宦祠

元史本傳

余謙號嶠山咸陽人爲文法典謨訓誥書宗隸古早爲蒙古字學

教授改授翰林國史院編修官除江浙儒學提舉爲人廉方有才幹每以風紀自任其提舉學事程試頗嚴云

乾隆志

宇文公諒字子貞吳興人至順四年進士除江浙儒學提舉平居

雖暗室必正衣冠端坐嘗挾手記一冊識其編首曰晝有所爲暮則書之其不可書卽不敢爲天地鬼神實聞斯言其檢飭之嚴如此

元史儒學傳

黃潛字晉卿義烏人延祐二年進士至正初出爲江浙儒學提舉博極天下之書而約之於至精剖析經史疑難及古今因革制度名物之屬旁引曲證多先儒所未發文詞謹嚴精切俯仰雍容其清風高節如冰壺玉尺纖塵弗汚卒諡文獻

元史本傳

陳旅字衆仲莆田人以薦除國子助教元統二年出爲江浙儒學副提舉後至元四年入爲應奉翰林文字遷國子監丞卒旅於文自先秦以至唐宋諸大家無所不究故其文典雅峻潔必求合於

杭州府志

卷一百十八

名宦三

十五

古作者平生於師友之義尤篤在浙時虞集已歸田歲大比請於

行省親奉書幣請集主文鄉闈欲爲問候計乃衝冒炎暑千里訪

集於臨川集感其來留旬日而別惓惓以斯文相勉

文史儒學傳

海壽世祖朝宿衛累官大中大夫杭州路達嚕噶齊招復流民有

恩惠卒封范陽郡侯諡惠敏

元史特爾格齊傳

梁曾字貢父燕人大德元年除杭州路總管戶口復者五萬二千

四百戶請禁暮夜鞠囚游街酷刑朝廷是之著爲令

元史本傳

趙璉字伯器潁川人至治元年進士累遷杭州路總管強毅開敏

精力絕人浙右病徭役民充坊里正者皆破家朝廷令行省召八郡守集議便民之法璉獻議以屬縣坊正爲僱役里正用田賦以

均之民咸以爲便有盜誘其同惡持刃出市斫人以索金市民乃戶歛以予之人無敢言者璉曰此不可長也遣卒掩捕之盡戮諸市踰年召拜吏部侍郎杭人思之刻其政績於碑

元史本傳

高納麟河西人大德六年入備宿衛十年除中書舍人天歷元年

除杭州路總管鋤奸去蠹吏畏民悅明年改江西廉訪使後至元

中爲江浙行省右丞乞致仕不允至正二年除行宣政院使上天

竺僧彌戒徑山僧惠洲恣縱犯法納麟皆坐以重罪請行宣政院

設崇教所治僧獄從之尋爲江浙行省平章政事明年入爲中書

平章政事

元史本傳

寶格輝和爾人

原作寶哥畏吾人

杭州府志

卷一百十八

名宦三

十六

卑陋嘗大作禮殿講舍一新之十二年斬黃寇逼境升江浙行省

參政引兵禦寇弗勝乃投西湖而死

萬歷志

特穆賽斯

原作帖睦烈思

字周賢喀喇氏至正十三年守杭屬斬黃寇犯

郡廟學鞠爲瓦礫特穆賽斯以學校教化所繫乃謀興造基址舊

隘因購回回民禮化寺地以充廣之

萬歷志浙江通志

夏思忠字仲信高郵人至正十七年張士誠款附授思忠江浙行

省郎中改杭州路總管開敏無礙遇事勇於有爲杭學兵燹之後

前守特穆賽斯興造甫完守廟者不戒於火悉焚之思忠慨然以

興復爲己任基址廣袤廟宇嚴整爲浙右冠

萬歷志浙江通志

孫彥卿句容人累官杭州路總管廉慎有爲部中鎮靜以疾卒於

官萬歷志

賈策字治安開封人至元中爲仁和縣尹有能名成化志

臧夢解慶元人宋末進士至元中知海甯州淮東按察副使王慶之按行至州見夢解剛直廉慎學有淵奧門無私謁官署蕭然凡有差役皆當其貧富而吏無所預民以戶計者新增七百六十有四田以頃計者新闢四百四十有三桑柘榆柳交蔭境內政平訟簡爲諸州縣最舉夢解才德兼備宜擢清要以展所蘊而御史臺亦以廉能薦二十七年滿去已五年矣屬江陰饑江浙行省委夢解賑之皆躬至其地而人給以米所活四萬五千餘人大德九年除廣東肅政廉訪使納祿退居杭州後至元元年卒學者稱魯山

杭州府志

卷一百十八 名宦三 十七

先生元史本傳

按元史地理志海甯州唐以來爲鹽官縣元貞元年升爲州天歷二年改海甯州夢解知海甯在至元二十三年當云知鹽官縣而云知海甯州此史之駁文也萬歷志改爲成宗時知鹽官州則調停史文而失之矣

李愍後至元四年知海甯州修瓦石堰重設車注之具民皆利之萬歷志

按後至元四年乾隆府志作至元四年乾隆海甯縣志作至

正

張光祖字載熙霍山人至正八年知海甯州以旱禱妙智閣下甘

雨隨澍明年夏復大旱苗盡槁禱之一雨三日歲大熟又嘗治長安三閘十一年秩滿去官劉基作序送之康熙海甯縣志

王輔字正卿冀甯人至正十六年知海甯州心存嫗育有所徵輸於民恆涕泣命之時納哈取宜與鄂特哲原作楊克克大麻慶通討

華亭後皆鎮禦州境民苦供億賴輔曲加綏戢俾無逋亡杭州路

總管咬住乾隆志爲作王州守安民碑海甯縣志

李質字子文大名入尹富陽縣有美政縣學教諭董燁撰去思碑

大德八年五月立石成化志

夏仲與尹富陽泰定二年春秩滿還朝民懷其惠立碑志感元季

碑仆草莽明正統間知縣吳堂訪得之昇置廳事刻文殘缺不可

杭州府志

卷一百十八 名宦三 十八

爲句乾隆志

曹忠字惟良燕人尹富陽下車以敦本厚俗爲先務孔子廟壞乃捐圭田之入率士籍之優饒者以建立廟既成聘名師招俊民而教養之不數月絃歌禮讓達於郊鄙繼新社稷之祀下至郵驛河梁百廢具興歲六月不雨禾將槁忠走祈山川甘雨隨注馬山有虎白晝傷人忠投檄山靈虎尋去楊維禎撰

線榮字子華大德間尹餘杭縣時永安寺僧搆結豪家倚勢壓鄉

民榮在任每挫辱之一日江浙行省平章伊蘇達爾舊作也因獵

至其寺僧譖之遂使辱榮榮抗辭以對左右皆懼由是名重一時

成化志餘

常濟大德十一年尹餘杭時歲饑民多流亡濟請於江浙行省以本縣儲糧賑之活民萬數父老稱頌

志成

王昌字子榮益都人延祐初尹餘杭時臨安民許椿赴京言各縣田稅不均命平章張閭經理昌力辯之其事遂直惠及旁邑政績著聞轉徽州路推官及卒還葬餘杭觀國山下民立石頌功且塑像祠之

志成

常野先至正十三年尹餘杭增築南湖塘又增縣西官塘十八里迄今免水溢之患民懷其惠

志成

賈汝霖至正初尹臨安縣為政廉平邑人稱之

萬歷

巴圖魯鼎舊作八都魯丁回回人皇慶元年為於潛達魯噶齊

舊作達魯花赤

杭州府志 卷一百十八 名宦三 十九

善政民為立去思碑

志成

額森特穆爾舊作也帖木兒蒙古人天歷元年為於潛達魯噶齊為政

清簡民蒙其利秩滿升浙西廉訪司僉事

志成

施澤延祐二年尹於潛經理田土能以廉幹為務而民不擾

志成

齊礪字公望高郵人至正三年以國子生尹於潛有美績善文辭

後拜監察御史

志成

張傑字漢臣濟南人至正十三年尹於潛公方廉直門無私謁十五年賊起安吉東抵縣境傑以義結民為伍乘法修門墮理器械立旗色號凡若干伍申令與民共死生即夜統眾二千跡賊所往殺其魁及從十人賊望風奔潰明年賊又自徽突抵昌化去縣僅

三十里居民皆荷擔謀徙傑鋪牛酒呼民復以伍乘法矢如初賊聞皆遁去縣訖安堵如故仍調鄉夫守禦四門晝理縣事夜巡縣境以為常夏四月淫雨三麥垂稔而腐傑疏諸岳祠痛自責者三而天大霽

楊維禎撰

篆額碑

蔣文煥字彥章蒙城人至正二十年尹於潛時當兵革饑疫之餘

專以招徠撫字為務至今稱為賢令

萬歷

劉公弼字長輔至元中知新城百廢具舉築新堰通水利久而賴

萬歷

阿魯鼎舊作愛祖丁大德初為昌化達魯噶齊先是至元間徽寇犯邑

官舍民居多燬阿魯鼎至多所興舉建縣治泐譙樓邑里乃復舊

杭州府志 卷一百十八 名宦三 二十

概志成

宜德甯古里舊作義德前國禮延祐間為昌化達魯噶齊興學勸農立義

倉增學廩百廢具舉士民稱之

志成

齊光祖字起宗大興人至正十六年以紹興路錄事尹昌化時四

境有兵光祖乃糾民兵為團保計邑賴以安後苗軍至邑築城狂

橫可畏每有需索於民光祖力拒之時稱剛果

志成

章沅一名元佐字舜臣昌化縣人至正十七年授承直郎為縣尹

以守禦功授浙東宣慰司經歷仍領昌化尹事沅莅事日久招徠

撫諭民皆德之

萬歷

夏泰亨字叔通少受學韓性兩領江浙鄉薦用至治龍興恩例升

杭州路儒學教授委性詳雅經術湛深學者宗之富陽縣志

張元誠至正九年任富陽教諭明年縣尹丁良卿新學廟元誠以

俸先之劉基為記富陽縣志

趙承宣字元臣臨安人天性鯁介至正末兵興上弔盜安民十策於參政董搏霄辟昌化縣學諭勤教督肅規則擢崇德州同知昌化縣志

邱岳字中人錢塘人天歷間為於潛簿興建學校勉進後學人多

稱之成化志

沈兼善字達卿崇德人有文學至正八年為昌化簿莅事明敏嘗從參政董搏霄敗寇阜嶺返邑惟務撫安萬曆志

杭州府志 卷一百十八 名宦三 二十一

鄒世聞黃縣人以世襲授管軍百戶戍海甯地瀕海竈民多私鬻鹽官禁甚重有犯禁者例與管民官共理管民官欲竟法世聞曰民貧故耳卒不竟法民稱鄒父海甯縣志

杭州府卷一百十八終

杭州府志卷一百十九

名宦四

明

鄧愈虹縣人太祖為吳國公愈再遷食行樞密院事略臨安張士誠將李伯昇來援敗之闕林棄後封衛國公贈甯河王諡武順太祖本紀明史本傳

本紀明史本傳

胡德濟字世美至正壬寅吳國公擢為浙江行省參知政事鎮守

新城張士誠將李伯昇帥步騎大入寇德濟固守李文忠馳救德

濟出兵夾擊大破之遷浙江行省右丞改左丞鎮杭州明史胡大海傳

湯和字鼎臣濠人吳元年以御史大夫拜征南將軍討方國珍諭

杭州府志 卷一百十九 名宦四

降之浙東悉定洪武十八年奉命巡行海徼相度地形改創衛所巡司險要為防禦計海甯縣城亦其所增築也談兩浙備倭方略者必推本於和明史本傳參萬曆志

李文忠字思本盱眙人年十九以舍人將親軍敗苗軍於於潛昌

化至正乙巳張士誠遣司徒李伯昇以二十萬眾攻新城文忠馳救去新城十里而軍大捷明年太祖攻杭州文忠克桐廬富陽遂

攻餘杭守將謝五降趨杭州守將潘原明亦降整軍入下令曰擅

入民居者死一卒借民斧斫以徇城中帖然加浙江行省平章政

事後封曹國公贈岐陽王諡武靖明史本傳

潘原明泰州人初與張士誠以鹽徒起為浙江行省平章守杭城

李文忠師至原明以全城歸款兵不血刃民免鋒鏑有德於杭民甚鉅仍授浙江行省平章

萬曆志

朱亮祖六安人累功授指揮使李文忠破李伯昇於新城亮祖乘勝燔其營落數十獲同僉元帥等六百餘人軍士三千馬八百匹輜重鎧甲無算伯昇僅以數騎遁太祖嘉其功會攻桐廬降其僞將遂合兵圍餘杭下之遷浙江行省參政副文忠守杭州

明史本傳萬曆志

蔡哲字思賢武昌人洪武二年任浙江行省參知政事有經濟才

遇事論辨咸中機宜用法平恕惠流民悅

成化志萬曆志

夏原吉字維詰湘陰人鄉薦入太學擢戶部主事建文初擢戶部

杭州府志

卷一百一十九

名宦四

二

右侍郎成祖即位進尚書浙西大水永樂元年命原吉治之原吉請循禹三江入海故蹟濬吳淞下流上接太湖而度地爲閘以時蓄洩從之役十餘萬人原吉布衣徒步日夜經畫盛暑不張蓋曰民勞吾何忍獨適三年夏浙西大饑命原吉往賑發粟三十萬石給牛種有請召民佃水退淤田益賦者原吉馳疏止之姚廣孝還自浙西稱原吉曰古之遺愛也

明史本傳

胡榮字元節豐城人本姓熊永樂九年進士洪熙元年以按察使巡視南畿浙江擢大理寺卿巡撫南畿浙江直省設巡撫自此始浙西豪持郡邑短長爲不法槩悉捕械至京論如法於是奸宄屏迹海甯諸衛所各言軍餉不足槩以便宜發諸府贖罪米四萬二

千餘石贍軍乃聞於朝帝悅諭戶部勿以專擅罪槩又奏兩浙累歲逋稅輸納艱難詔許以絲絹等物代輸一時便之所至矜困窮興學校風猷振厲姦民不便其所爲權貴挾私怨者又多造飛語衆口交謗宣德二年行在都御史劾槩所至作威福縱兵擾民上倚信槩不爲動也五年還朝始復姓熊

明史熊槩傳萬曆志

周忱字恂如吉水人永樂二年進士宣德五年超遷工部右侍郎巡撫江南兼轄浙西三郡浙江當造海船五十艘下忱計度忱召問都匠言一艘須米千石忱以成大事不宜惜費第減二十石奏於朝得報可正統六年至海鹽築捍海塘海患遂息七年因通判易輓之請修築杭下塘隄岸舟行者得免風濤之虞在任二十二

杭州府志

三

卷一百一十九

名宦四

年經畫田里處置貢賦纖悉必當先是胡槩爲巡撫用法嚴忱一切治以簡易或面詰忱公不及胡公忱笑曰胡卿敕旨在祛除民害朝廷命我但云安撫軍民委寄正不同耳仕至工部尚書諡文襄

明史本傳萬曆志

彭韶字鳳儀莆田人天順元年進士宏治中以刑部侍郎兼僉都御史巡視浙江時千戶陳勇倡亂浙西奉命誓師一鼓殄滅劾罪不職守臣數人擊貪殘吏以訓在位百官悚息計臣言鹽法沮壞命兼清理釐好革弊恤竈通商繪奏海貧人曬淋煎負折閱朋儕之苦爲八圖以獻因獲獨逋負貧竈以蘇仕終刑部尚書諡惠安

萬曆志

王忬字民應太倉州人嘉靖二十年進士三十一年以僉都御史巡視浙江尋改巡撫時倭寇犯浙忬籌度戰守安輯諸務蚤夜矻矻簡才將俞大猷湯克寬等委心任之馭軍寬簡奏釋參將尹鳳盧鏗繫然犯軍律者罰無赦以是不敢橫恣嫗育黎庶視之若子罷編戶守城之役曰寇未至毋先困民民尤德焉嘗籍罪沒田三百畝於學宮為贍士資進右副都御史巡撫大同擁輿泣送者填道卒祀名宦

明史本傳
萬曆志

胡宗憲字汝貞績溪人嘉靖十七年進士三十三年以御史按浙時浙西寇熾甚宗憲行部嘉興投藥酒中賊至恣飲毒死甚衆乃督兵勦殺大破之於王江涇又破之於平望超拜僉都御史提督

杭州府志 卷一百十九 名宦四

四

軍務兼巡撫浙福晉總督時浙地寇患匪一其中狡黠鼓亂則徐海為最海之下有陳東葉麻辛五郎皆趨捷善戰為之羽翼若汪直則雖陽見款順而實發縱首禍者也宗憲乃先遣間計啗海俾以次縛麻與東孤其黨與辛五郎方擁衆金塘說不可下宗憲遣將盧鏗一鼓禽之事既定與巡撫阮鶚督諸道兵勦海於平湖之沈家莊海孤軍勢蹙旋就夷滅又遣辯士說直來降斬於市督浙八年捷數十上累遷少保兵部尚書右都御史

萬曆志

阮鶚字應薦桐城人嘉靖二十三年進士三十二年任浙江提學副使時倭薄杭州鄉民避難入城者有司拒不許入鶚手劍開門納之全活甚衆擢右僉都御史巡撫浙江士民德之相與立祠

江 湖

通志

趙炳然字子晦歙州人嘉靖十四年進士三十二年以御史按浙江正大憚驚風裁屹然核吏治糾官邪察民隱部內不戢而肅四十年大學士徐階以浙寇甫平請設巡撫綏綏遂進炳然右僉都御史往任之浙罹兵燹久財匱力絀炳然廉以率下悉吏諸政令不便者仍奏減軍需之半民皆尸祝之福建巡撫游震得請浙兵勦賊詔發義烏精兵一萬諭炳然協勦炳然言福建所以致亂者由將吏撫馭無術民變為兵兵變為盜耳今又驅浙兵以赴閩急竊懼浙之復為閩也請令一意團練土著使人各為用家自為守急則兵緩則農然後聚散兩有所歸即不得已而召募亦必先

杭州府志 卷一百十九 名宦四

五

本土後鄰壤庶無釀禍本又條上防海八事俱報可瀕海餘寇流入浙江以援勦功進右都御史

明史本傳
萬曆志

張佳允字肖甫銅梁人嘉靖二十九年進士萬曆十年浙江巡撫吳善言奏減月餉東西二營兵馬文英劉廷用等構黨大噪縛毆善言上以佳允代善言甫入境而杭民以行保甲故亦亂佳允問告者曰亂兵與亂民合乎曰未也佳允喜曰速驅之既至民剽益甚佳允從數卒伴問民所苦衆益張夜掠巨室火光燭天佳允召遊擊徐景星諭二營兵令討亂民自贖禽百五十人斬其三之一乃伴召文英廷用予冠帶而密屬景星捕七人并文英廷用斬之二亂悉定優詔褒美尋加右都御史拜戎政尚書諡襄憲

明史本傳

甘士价號紫亭信豐人萬歷五年進士巡撫兩浙甫下車首選材官訓標兵裁部差汰冗役禁宴會省糜費躬行儉約創武林書院於中衢講明正學歲大稔請留漕米數十萬石捐助若干兩議米議粥議遠近分賑又議薦紳素封自賑其鄉悉心肇畫遂以是得疾時當遣汎猶力疾出廳事戒諭之卒時筐篋無存歛以潞衣士民號慟之聲運街達陌聞於朝立祠歲祭

浙江通志

劉一焜字元丙南昌人萬歷二十年進士擢右僉都御史巡撫浙江織造中官劉成卒一焜屢疏請勿遣代已得請會命中官呂貴護成遣裝好人遂請留貴督織造疏直達禁中一焜與按巡李邦華極論其罪帝卒命貴代之一焜復疏爭不報貴既任條行十事

杭州府志

卷一百十九

名宦四

六

多侵擾一焜疏駁且禁治其爪牙貴為欽威一焜以暇築龜山海塘千二百丈浚復餘杭南湖民賴其利

明史本傳

黃鳴駿字啓甸莆田人萬歷間進士任浙江提學僉事取文不拘一體高奇平淡率歸大雅改杭嚴兵備超擢都御史巡撫浙江甫三月值甲申之難鳴駿慷慨誓師將出討闖賊聞江南馬士英用事解綬歸

浙江通志

汪霖字潤夫六安州人景泰五年進士天順間以監察御史按浙時錦衣指揮門達怙寵擅權好作威福舉朝側目屬其子商於浙鎮守以下咸相禮敬霖獨不為禮歸諸於達達怒遣人偵之卒無可罪累官僉都御史

萬歷志

李綱字廷張長清人天順元年進士授御史八年按浙江峭直不避貴勢公廉有威振舉綱維百度貞肅劾去賊吏至四百餘人時目為鐵御史成化十三年遷右僉都御史轉左出督漕運卒上聞其清節特賜祭葬

明史李綱傳萬歷志

侶鍾字大器郟城人成化三年進士授監察御史十三年來按浙江力持憲綱嘗曰小民之不得安於田里者有司虐政害之也彼竇榮備何能為哉搏擊豪強發擿奸宄一時墨吏皆望風引疾去仕至戶部尚書

萬歷志浙江通志

劉魁字士元高唐州人成化二年進士十九年按浙憲體明肅紀法森嚴按治奸回不撓貴勢竟以直道忤物左遷黃梅丞屢薦不

杭州府志

卷一百十九

名宦四

七

起聲望益著

萬歷志

荆茂字庭春甯遠人成化十四年進士二十二年按浙先是糧無定額胥里為奸茂至與郡邑能吏熟議總計所治地里定為糧則正耗折減一以國儲為準圖籍既定吏弊頓祛藩司有偽牒竄名胥吏者茂盡發之至八百餘人桎梏相屬傳聞京師人以為奇績仲冤擊奸嚴科舉以得士人心傲惕風采赫然

萬歷志

暢亨字文通河津人成化十四年進士宏治元年擢御史按浙歲饑奏罷上供綾紗等物威行令肅彈劾不避權貴鎮守中官張慶兄敏得寵於上怙勢虐民亨疏其惡請實於法慶因訐亨考察不公亨又劾僉事郝滂滂亦訐亨逮謫涇陽知縣

明史張慶傳